

luling

taxan ka luling micuw ga, mamutung karirex ka use' ni,nel hunco' la?
rali' ga,as ka minnolax arat ka umolax ga mamutung ka use' luling, hunco'
carung ka micuw la? yona hahabuk labu', minanoh ci ka Ara murunaw
nanu' alang Pulan. yona ule' ma'a'as masarugu' ki. payux ka ranrangi' ni.
musa' pacyek matisal uruw yaba', malalahur ki ka ucyx cubay, ini'
pahnguw ka hiya'. musa' morow naka kakagang lurì', maki cika ruw
carung. ana' maki maburuk na abaw ka kakagang, tehkan ni musa' matisal.
cel ki korà' ka apatur lu kakugu', moh malahang ci nani'un ki ka balulung
urì. ma'as magagaluw salahaw ki korà' naha. sn'un ni matisal ka ranrangi'
ni laga, masinhayuw kulit manu cika Pulan, Kantabang la.

camì ulule' ga, rangi' ni carung urì. abagan makilux ka wagi',
mapapuruy min musa' salahaw luling, ana min sun iya' usa' ki naka nabkis,
ga. unkuri' min musa ki' na. makarìk min tu'uy yuyuk, maku' tapa'an na
ruk korà' ka lukus min. tehuk min ki laga, laxan min ka lukus pinbabawen,
tahrun ci utux pancu', as min karuk matabur cika use' luling, kinramasan
carung wa! as kalahbuw ka kisli'. haprow min gun_gargar ci girang na hi'
min. moka asuran hiya' ga, ba' nak lumanguy, ini' naha se' ka luling, nel!

wal! nel! wal! yona ucyux matarahri' lumanguy ki. camì manyuyuk harì' ga,
mangu' min musa' cacka' na luling , salahaw min tikiy cika syaw ni, ini'
mini pabuti naka asuran min. mpagiy la ga as ka magagaluw magiy kora'.

wal ulicun inu' ka urati' yotas la? wal kulit ci kanon korà' ka hahalan
min mapuri' ka balulung lu kakagang la? suminalu' taxan micuw ka luling!
yona cel mangilis karirex, pahpunan na buna'iy lu rinuw raxal ka luling.
maku' mahmut maskakiy. ana ragan kumexul na kwaysow, ini' hurà'i
kumogi' kora' ka la.

kanon tikiy tataxan ta matasi' ka luling la? ki' musa' tarahri'
lumanguy ki ka ulule'alang ta micuw, ki' musa' salahaw kunrak ci
lanlamu' na minyanux ki', sumulung ci kinnanuxan na rali', tarahri' matox
ci sinbale' na amutux, taxan ga, arat pubinah ka kinnanux ta rali' la ong, ini'
nak hurà'i' ka hahiri' ta ci raxal ta micuw, sukuy ka linlungan ka kinramas
hani la.

河流

記憶中的河流，像一條美麗的白色皮帶，像是開心的孩子一樣，一路造訪她的好朋友，一直拜訪完所有的朋友之後，它才緩緩的流向下一個部落—Inagu 和 Mastobang 那去。它也是部落孩子的快樂天堂，一到河邊，直接跳下河水，沁涼無比！我們俏皮地搓著身上的角質層。年紀較大的，就衝到湍急的水域上挑戰河流的衝力，像是魚一樣自由地流竄在其中，好不快樂。。

如今已面目全非，土石覆蓋了整個河床，只能在回憶裡尋找它的美好。